

Na osnovu člana 15. Odluke o uslovima i načinu dodjele „Šestoaprilске nagrade Grada Sarajeva“ („Službene novine Kantona Sarajevo“, broj 41/22 i 49/22), Odbor za dodjelu „Šestoaprilске nagrade Grada Sarajeva“, na sjednici održanoj dana 19.01.2022. godine, donosi

*Izmjene Poslovnika  
o radu Odbora za dodjelu „Šestoaprilске nagrade Grada Sarajeva“  
u 2023. godini  
(radni materijal)*

## I OPĆE ODREDBE

### **Član 1. (Predmet)**

Ovim Izmjenama Poslovnika rada Odbora za dodjelu „Šestoaprilске nagrade Grada Sarajeva“ u 2023. godini (U daljem tekstu: Izmjene Poslovnika) mijenja se Poslovnik o radu Odbora za dodjelu „Šestoaprilске nagrade Grada Sarajeva“ u 2023. godini, broj 04-01-1875-1/22 od 09.12. 2022. godine (U daljem tekstu: Izmjene Poslovnika)

### **Član 2. (Izmjena člana 15. Poslovnika)**

Član 15. Poslovnika mijenja se i glasi:

- (1) Na **trećoj sjednici**, Odbor se određuje o tome jesu li dostavljeni prijedlozi za kandidate za dodjelu Nagrade, blagovremeni i potpuni u skladu s Odlukom, odnosno Javnim pozivom, te utvrđuje liste predloženih kandidata za koje su podneseni blagovremeni i potpuni prijedlozi, posebno za pojedinačnu, posebno za kolektivnu nagradu.
- (2) Odbor, većinom glasova članova Odbora, za svakog predloženog kandidata pojedinačno, odlučuje je li prijedlog podnesen u propisanom roku i je li potpun, a prema kriterijima iz Odluke, odnosno iz Javnog poziva.
- (3) Na osnovu dobivenih rezultata, članovi Odbora samostalno razmatraju prijedloge te se o predloženim kandidatima, u prvom koraku drugog kruga glasanja, određuju tako da svoj glas, javnim glasanjem, daju predloženim kandidatima za koje cijene da je njihov doprinos vrijedan razmatranja za dodjelu Nagrade. Prijedlozi za kandidate koji poslije takvog izjašnjavanja, dobiju većinu glasova članova Odbora, dalje se razmatraju za konačno utvrđivanje kandidata za dodjelu Nagrade.
- (4) Izuzetno, ako je zaprimljen manji broj prijedloga za kandidate, provodi se odmah drugi korak drugog kruga glasanja, iz člana 16. ovog Poslovnika, o čemu odlučuje Odbor svojim zaključkom pri prijemu prijedloga za kandidate za dodjelu Nagrade, a na prijedlogu Stručne službe za poslove Gradskog vijeća.

### **Član 3. (Izmjena člana 16. Poslovnika)**

Član 16. Poslovnika mijenja se i glasi:

Do četvrte sjednice, članovi Odbora samostalno razmatraju prijedloge kandidata koji su na trećoj sjednici dobili većinu glasova članova Odbora, posebno za dodjelu pojedinačne, a posebno za dodjelu kolektivne nagrade, te se o predloženim kandidatima u drugom koraku drugog kruga glasanja, na **četvrtoj sjednici** Odbora, određuju tako da svaki član Odbora javno iznese bodove za svakog predloženog kandidata pojedinačno i to tako da najveći broj bodova (najveći broj bodova iznosi pola,

odnosno jedan više od pola, ako se radi o neparnom broju, vrijednosti broja predloženih kandidata za drugi krug glasanja posebno za pojedinačnu, a posebno za kolektivnu nagradu) daju predloženom kandidatu kojeg preferiraju, dva boda manje sljedećem predloženom kandidatu i zatim, po jedan bod manje svakom sljedećem predloženom kandidatu, a predloženi kandidati čiji doprinos ocijene najmanje vrijednim, u odnosu na doprinos svih predloženih kandidata za drugi krug glasanja, ostaju bez bodova.

**Član 3.**  
**(Izmjena člana 17. Poslovnika)**

Član 17. Poslovnika mijenja se i glasi:

- (1) Na petoj sjednici Odbora, članovima se dostavljaju konačne liste predloženih kandidata poredanih po broju dobivenih bodova članova Odbora i to posebno za pojedinačnu, a posebno za kolektivnu nagradu.
- (2) Ako po dva prvorangirana predložena kandidata dobiju različit broj bodova, utvrđuju se kao kandidati Gradskom vijeću za dodjelu nagrade, osim predloženog kandidata koji je ostao bez bodova.
- (3) Ako dva predložena kandidata na mjestu prvorangiranog, odnosno drugorangiranog kandidata, dobiju jednak broj bodova, Odbor se javnim glasanjem određuje o tome koji od predloženih kandidata će biti prvorangirani, a koji drugorangirani kandidat, odnosno koji će biti drugorangirani, a koji trećerangirani za dodjelu Nagrade odlukom Gradskog vijeća. Prednost dobiva kandidat s većinom glasova prisutnih članova Odbora.
- (4) Na osnovi tako odabranih kandidata, Odbor utvrđuje prijedloge odluka o dodjeli Nagrade za svakog kandidata pojedinačno (uz naznaku da se radi o pojedinačnoj, odnosno kolektivnoj Nagradi), te zajedno s Izvještajem o radu Odbora, upućuje Gradskom vijeću na razmatranje i konačno odlučivanje.

**Član 4.**  
**(Stupanje na snagu Izmjena Poslovnika)**

- (1) Ove Izmjene Poslovnika stupaju na snagu danom donošenja.

*PREDSJEDAVAJUĆI ODBORA*

*Adi Škaljić*

Broj: 04-GV-02-1875-1.1/23  
Sarajevo, 19.01. 2023.godine